



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XV. Hispaniæ Principis, & Bohemiæ Regis transitus Tridento. Plures Regnum Oratores, & tres Septemuiri Ecclesiastici adueniunt. Et duodecima Sessio.

urn:nbn:de:hbz:466:1-11665

1551. ter infinitæ procrastinationis incommoda macerarentur. Sed è con-
trario Fonseca, aliisque cum eo sententiam mutauere: & hæc in
confessu vicit. Quare postridie celebrata est undecima Concilij

ⁱ Litteræ Le-
gati ad Dan-
dioum,
1. Maij 1551.
gis mundus Fedrius Franciscanus cognominatus à Directa. Massa-
rellus duo Pontificis Diplomata recitauit; alterum de resumendo
norum mo-
numenta.

Tridenti Concilio, alterum de Præsidum electione: tum Archiepi-
scopus Turritanus è suggestu inchoationis Decreta proposuit, quæ
concorditer accepta. Per eos dies ac deinceps accesserunt ad Syno-
dum ^k Episcopi primarij satis frequentes. Hic verò conuentus non
habebantur ad expendenda rerum argumenta, tum quia plurimum
laboris operi impensum fuerat Tridenti prius, postea Bononiæ, tum
quod palam fieret, Germanos non ad solemnia tantum, sed ad rem
ipsam etiam expectari, cum plerisque videatur, in summis conuen-
tibus maius opus confici in consiliis quam in Decretis faciendis.

^a Ex Diario.

C A P V T X V.

Hispaniae Principis, & Bohemiæ Regis transitus Tridento. Plu-
res Regum Oratores, & tres Septemviri Ecclesiastici
adueniunt. Et duodecima Sessio.

NE rerum series interrupatur, libet vnâ prosequi, quæ ibi
euenere usque ad duodecimam Sessionem, quæ nouum
Synodi exordium censerit.

Pridie Nonas Iunij è peruenit Philippus Hispianarum Princeps,
è Germania redux, quem Romanorum Regem renuntiandum, Fer-
dinando successurum, proposuerat Carolus; Ferdinando autem, si
assentiretur, Imperij consortium offerebat, quemadmodum duo
simul Cæsares olim imperauerant. Sed Ferdinandus causatus est,
non posse quidquam à se statui, absente Maximiliano filio, iam Bo-
hemiarum Rege constituto, & Caroli genero, cuius loco tunc Hispa-
nias moderabatur. Idcirco Maximilianus, relictâ ibi coniuge, pro-
pere Germaniam repetiit, obfirmato ad obsistendum animo; satis
gnarus, Germanos magis ad se propensos fore, quippe nationis eius-
dem Principem, minus formidabilem, atque apud ipsos commora-
turum. Eo igitur refrigerante consilio, Philippus in Hispaniam re-
uersurus iter habuit Tridento ^a. Nec ab re facturum me putauerim,
^b si breuiter exposuero, qui ritus in honoribus illi habendis seruat
sunt, cum id & illustrium scriptorum recentium exemplum mihi
persua-

^a In Diariis
a 6. ad 9. Iu-
niij.

persuadeat, & communis nostri temporis mortalium usus, qui tanti faciunt speciosa huiusmodi officia, vt interdum eorum causâ summa negotiorum molimina perturbentur, præcidanturque commercia inter eos, quos arctissimis vinculis natura connexuit. Quare si perinde notitiarum ac monetarum pretium ab hominum estimatione dependet, ea certè negligenda non sunt tamquam tenuia ut legantur, quæ maxima habentur ut fiant.

2. Legatus ac Patres Concilij ad sagittæ iactum ex urbis porta obuiam Philippo processere; Præfides eum ex equis amplexati sunt, reliqui Præfides desilentes eius dexteram osculati: hinc brevia urbanitatis verba inuicem dicta. Tum Philippus multum institit in iis officiosis petendis, quorum repulsam volebat, hoc est, ut potiorum locum Legatus teneret. Equitauit medius inter duos Purpuratos, antecedentibus Proceribus, & Episcopis subsequentibus. Ad arcem usque deductus est, ubi à Madruccio exceptus hospitio, Patres dimisit equis insidentes.

3. Postridie Legatum inuisit, qui obuiam illi occurrit extra suarum ædium limen. Paulam ibi commoratus, inde vnâ cum eodem Legato ac Madruccio ad insulam in Athesi perrexit, tercentos ferè passus ab urbe remotam; ubi Madruccius lignæ domo constructâ, eademque aulaeis aureis, picturis ac statuis insigniter exornata, conuiuum opiparum exquisitis harmoniæ modis conditum parauerat. Philippus, duo Purpurati, & Sabaudi Principis filius, qui Hispanum comitabatur, pari gradu mensæ adsedere, reliqui Proceres, nobilisque complures in inferiori subsellio. Post epulum, Germanorum more choreæ ductæ, inter quas Philippus ipse saltauit: dein ludicra certamina commissa, quibus plura (in Ludouici Ariosti recentiore tunc poëmate descripta) heroum facinora exhibebantur. Die postero Legatus inuisit Philippum, qui per honorificè illumcepit, testatus, Cæsarem parentem suum ne vita quidem parsurum, ut Pontifici deseruiret. Die 9. tandem discessit, cunctis illum præter Præfides comitantibus.

4. Paucos post dies eō Maximilianus ^b Bohemiæ Rex accessit, qui ^b 22. Iunij repetebat Hispaniam, vxorem inde deducaturus. Hic festinantis, adeoque priuati more iter habebat; quamobrem illi obuiam haud processum: Legatus ipsum inuisit, & ipse pariter Legatum. Elapso triduo, inde profectus est vnâ cum Tridentino, qui Mantuam usque comes illi adfuit, cum & familiâ & Episcopatu in ditione Ferdinandi illius parentis esset.

5. Dum hi Principes Tridento transibant, Moguntini Septemviri Nun-

1551. Nuntius^e eò peruenit, qui illius absentiam excusaret, vt pote necessariam ob necessariam eiusdem in sua Diœcesi præsentiam post diutinam in Comitiis moram; addiditque, Procuratorem ab eo delegatum iri, itidem ac à reliquis Septemuiris Ecclesiasticis delegarentur. Verum à Legato reiecta excusatio est, respondentे, eos obstringi per se adesse, quando Synodus in eo loco ceteris incommodo coacta fuerat in gratiam commodumque Germanicæ nationis. Nec ea repulsa incassum recidit, cùm posteà & idem^d Septemuir, & Treuirense interuenerint: Coloniensis ut se proximè accessorum ostenderet, domicilium illic sibi ornandum curauit. Confluxere quoque plures Antifitites è Cæsaribus ditionibus, eiusque noui Oratores,

^e 13. Iulij.

^f 2. Septembris.

^g Diarium,
Augusti &
Septembr.

qui fuerunt Hugo Comes à Monteforti, Imperij nomine, & paucò post duodecimam Sessionem Guillelmus à Pictavia, Belgicarum Prouinciarum Legatus^f, pluresque etiam Oratores à Ferdinando missi aduenere^g.

Pridie Kalendas Septembribus cœtus generalis habitus est; vbi cùm^h adessent duo Septemuirii Archiepiscopi, rogati sunt ut in Aulam proximam concederent, donec de ipsis loco deliberaretur: quibus digressis, proposuit Legatus, ut supra reliquos Præfules collocarentur; cui assentire Archiepiscopi Septemuiris antiquiores, dummodò præmitteretur denuntiatio, nihil inde iuris sibi ac successoribus detrahi. Quapropter duo Archiepiscopi missi sunt, Septemuiros ad conuentum deduciuntur: hi verò de habitu decreto edicti, gratiis actis rediere, & pro eo quod statutum fuerat, supra ceteros Præfules qui non præsidebant collocati sunt, aliquantulum ab illis sciuunti, & in subselliis honestioribus quam communia, è regione Cæsarianorum Oratorum. Ibi statutum est, ut postridie indita Sessio celebraretur; in qua altera pariter Sessio die undecima Octobris ad Decreta pronuntianda indiceretur. Postero igitur die solemniter celebrauit Balthasar Eredia Archiepiscopus Turritanus: concione tunc omisssâ, Massarellus Præsidum nomine breuem paræfesim de viuendi ratione recitauit. Producta comprobataque sunt Oratorum Caroli ac Ferdinandi legationis mandata; sanctumque est, ut in proxima Sessione ageretur de articulis Eucharietis, ac de obstaculis, quæ supererant, ne Episcopi suas apud Sedes residerent.

Adfuit deinde Iacobus Amiotus, à Rege Galliæ missus cum epistola, cuius inscriptio erat: *Sanctissimis in Christo, & observandis sumptuoper in Christo Tridentini conuentus Patribus.* De ea excipienda plurimum est disceptatum: sed eius tenor & opportunitas, quod res melius

lius lectoribus innotescat, me commonent, ut ab initio reperam 1551.
quæ inter Pontificem & Henricum contigere; cum in narratio-
ne, iuxta ac in nauigatione, opportunius iter non semper sit quod
rectius est, & expediatur quandoque a portu quo tendimus recedere,
quo via certior ad ipsum teneatur.

CAPUT XVI.

*Duplex Galli contestatio in Senatu, varia negotiorum belli-
queuenta ob Parmæ controversias.*

Antequam Ascanius Corneus ad Galliæ Regis Aulam perue-
niret, statutum iam tandem fuerat à Rege coniugium inter
Dianam filiam, & Horatium Farnesium, ^a ad eam usque
diem suspensum. Remissus etiam fuerat à Rege Horatius Parmam
ad confirmandas ibi cum fratribus pactiones. Ascanio, sicuti dixi-
mus, spes generatim facta est, adiectumque, mentem Regis per
Monlucium Pontifici pleniū patetactum iri. Interim Gonzaga
conspicatus, negotium studiose protrahi, ut per eam moræ opportu-
nitatem Parmenses commeatum sibi colligerent, Brixellum occu-
pauit, ^b Ferrariensis Principis oppidum, cuius utile dominium tunc
erat penes Cardinalem Principis fratrem, & Gallicarum partium
in primis studiosum, quā commodus dabatur aditus ad necessaria
quæque Parmam conuendenda. Hinc Monlucius excusationem
apud Iulium prætendit, quasi Rex eā rei nouitate irritatus priorem
concordiæ voluntatem abieciisset. Nec ullum etiam tum erga Octa-
vium adhibere diligentiam omisit Pontifex: cumque is promissum
quo se Regi prius obstrinxerat obtenderet, Iulius eum vetuit, addi-
to per Diploma quod memorauimus præcepto, dein commonito-
rio libello: ostenditque, posse his uti tamquam honestissimâ resi-
liendi causâ. Simul etiam & persuadere studuit, quando Gonzaga
ultra verborum minas nondum progrediebatur, opportunum non
esse, ut se in terrorem sumptusque coniiceret. Spopondit insuper, si
quid aduersus eum pararetur, se illi Parmæque, non solum ope, sed
præsentia, si opus esset, adfuturum.

² Nihil tamen per eas adhortationes effectum est. Etenim quēm-
admodum satis animaduertit Iulius, ac Cæsari significauit, nec
Octavius, Gonzagæ minis vehementer agitatus, se vñquam tutum
putasset, nisi valido protectus thorace; neque Rex post auxilia
Octavio promissa deficiasset vñquam ab incepto, ne suæ fidei per-
petuo existimationem adimeret apud Italicos Principes; cùm in

PARS II.

H h homi-

^a Cuncta extant in mandatis Pontificio Quæstori datis, ad Cæla- rem missis, & Camaiano ad Flotentiae Ducem, & Monlucio in reditu in Galliam, & Achilli Graf- fio, Nuntio Veneto, 27. Augusti 1551. apud Burghaus; præter litteras Dandini in ita citan- das.

^b 1. Maij, ex Adiano lib. 8. & fu- sis in litteris Dandini.